





H. XIII. 8

Nova-Tacina. Liter.

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.
Miscellaneorum

DECADIS III.
EXERCITATIO VII.

De

VIRTVTI-

BUS HOMILETICIS,

Id est,

Conversacionem regentibus.

Practico-Philosophica.

*Pro disputationis exercitio ad sententiarum
collationem proposita*

In Gymnasio Gedanensi

PRÆSIDE

HENRICO NICOLAI

Phil: Professore Publico.

Respondentis partes expediente

MARTINO NEUVENFELDIO,

Dantiscano Borusso.

Ad diem 24. Martij. S. N.

In Acroaterio Philosophico,

Horis ab 7. matutinis.

GEDANI. Typographo GEORGIO RHETIO ex-
scripta, ANNO 1638.

E. G. M. A.
Miscellaneous
Dedicated to
EXAMINATION VII
DE

VIRTVT

AND HOMILIES

CONSTITUTIONAL

PLATE-PHOTOGRAPH

For distribution exclusively to the

Voluntary

in the

PLATE

H. B. M. C. O. N. I. C. O. L.

THE

PLATE-PHOTOGRAPH

MARTIN

PLATE-PHOTOGRAPH

PLATE-PHOTOGRAPH

PLATE-PHOTOGRAPH

PLATE-PHOTOGRAPH

PLATE-PHOTOGRAPH

PLATE-PHOTOGRAPH

De Virtutibus

homileticis.

I.

CArbone quodam apud Romanos populo aliquid pollicente, & iurandum cum execratione addente, iuravit vicusim populus, se fidem illi non adhibere. Erat enim homo mendax, & ad fallendum projecta impudentiæ. Erasmi. l. 6. apoph. §. 57. Probus & veracibus fides etiam injuratus adhibetur: Improbi vix jurantes fidem inveniunt. T. Pomponius Atticus eques Romanus, & Tullio in paucis carus, mendacium nec dicebat ipse, nec pati poterat. Eoq; fiebat, ut omnia amicorum equitumq; negotia procuranda ipsi committerentur, consiliumq; ab eo de Repub. deq; rebus magni momenti certatim expeteretur, narrante Cor. Nepote in vitâ ejus. Sed ut hodiè sunt tempora, seculum inverso procedit ordine. Mentiri, fallere, sermonis est genus, non criminis, ut quondam de Franconibus Salvanus l. 4. d. gub. Dei perscripsit. Comici illud ex mil. a. 2. f. 2. verè hic locum habeat: Os habent, (homines) linguam, perfidiam, malitiam, atq; audaciam: confidentiam, confirmitatem, fraudulentiam. Qui arguat se, eum contrà vincant jurejurando suo. Domi habent animum falsiloquum, falsificum, falsijurium: Domi dolos, domi dolenifica facta, domi fallacias. Domi habent horum & condimenta ad o-

Hb

mnes

omnes mores maleficos. Et fecundam hanc vitiolorum coliginem animo evellamus, habitu morali opus est, ad sinceritatem & veritatem in verbis gestibusq; observandam mentem componente. Prestat hoc potissima inter homileticas virtutes, Veracitas, animum ad sincerè agendum loquendumq; componens. Ejus jam ordine consequente cum coeteris virtutib. homileticis natura per theses cum DEO lustranda veniet.

2. Virtus moralis directà cupiditatem opum & honorum componens dis. 6. visa est: Videnda est ea, quæ conversationem componit. In conversatione vel regenda est familiaritas, vel actio aliqua. Familiaritas regitur virtutib. homileticis, quæ sunt virtutes morales directæ, probos nos rectosq; in conversatione cū alio facientes. Dicta ab opūdā, quæ Latinis conversationem familiarem notat. In familiaritate aut requiritur jucunditas, ut jucundè cum alio conversemur, & hoc vel seriò, unde comitas, affabilitas, seu humanitas exsurgit: vel jocosè, unde urbanitas: Aut veritas, ut sincerè & sine fūco cum alio versemur, unde veracitas premanat: Aut placiditas & consensus, ut pacificè & quietè conversemur, unde Concordia oritur. De his hac exercitatione præcipiendum.

3. Comitas spectanda est quæ nomen & rem. Quæ nomen 1. Homonymice. Sumitur interdum potentialiter, pro naturali inclinatione & promptitudine humaniter conversandi, quomodo quasdam nationes humanas & comes dicimus, quasdam barbaras & agrestes: Interdum actualiter pro ipso actū humaniter in sermone gestuq; se gerendi: hoc per metonymiam effecti pro causâ fit, ut actus habitus sumatur pro ipso habitu: Interdum habitualiter pro habitu morali comparato, decenter in sermone & gestu seriò communicando se gerere faciente. Ita hic sumitur. 2. Etymologicè, ubi Grammaticè ab comi dicitur, quòd faciat comiter ac amicè alios al-
loqui

loqui, salutare, ac suaviter illis convivere. Synonymicè, quà dicitur & humanitas, quòd hominis sit propria; præcipua officia in familiaritate complectatur: & amicam homini ac humanam naturam, excusâ agresti ferocitate, conciliet: Affabilitas, quòd sermone, gestu, officio, comem benevolentiam erga alium ostendat: Facilitas, quòd facilem se omnibus exhibere faciat: Civilitas, quòd corporis habitum gestumq; elegantem civili dignam conciliet: Popularitas, quà in publicis personis & superioribus reperitur, qui se erga inferiores comes exhibent: familiaritas, quòd in familiari conversatione familiariter in sermone gestuq; procedere doceat. Græci speciale nomen non habent, quo eam efferant, ut Arist. 4. Nicom. c. 12. monet. Interdum vocant Φιλίαν, quòd amula amicitia sit, & in conversando facilitatem præstet, ac sæpè amicitiam conciliet. Differt tamen etiam ab illâ, quòd hac amorem & notitiam requirat: affabilitas etiam ignoto & non amato honestatis gratiâ exhiberi queat: illa paucos requirat, hæc multis præstari possit. Interdum εὐπροσηγορίαν & φιλοπροσηγορίαν vocant, quòd libenter salutare, & appellare aliquem faciat. Προσηγορεῖν enim & προσηγορεύειν salutare & appellare est. Germanis freundlichheit / holdseligkeit / Leutseligkeit / Anmutigkeit / &c.

4. Quà rem absolutè & respectivè. Absolutè in definitione, officii, subjecto, & divisionibus.

5. Definició sit: Comitas est virtus moralis directa, medium prudentiæ in conversatione seriâ, quà sermones & gestum ad honestè oblectandum & modestè reprehendendum servare faciens.

6. Genus est virtus moralis directa, hoc ex d. 3. t. 17. patet. Differentia ab objecto & officio s. modo versandi sumitur. Ex objecto dicitur, quòd medium in seriâ conversatione quà sermonem & gestum servet: per quod parsim ab urba-

nitate, quæ iucunditatem in conversatione jocosâ, non seriâ, servat: partim à veracitate, quæ sinceritatem in seriâ conversatione præcisè attendit, non iucunditatem: partim à concordia, quæ quietem in conversatione attendit, non præcisè iucunditatem, distinguitur. Objectum comitatus est vel internum, tum affectus irascibilis, quem comitas moderari debet, ne in sermone aut gestu sit insuavis: tum voluptas & tristitia, quæ in usu sermonis & gestus in conversatione seriâ reperitur: Velexternum, sermo & gestus in congressu serio ad iucunditatem componendus. Facit enim comitas, ut dicta & facta nostra sale humanitatis condiamus. Dicta, quia sermo character animi est, & ex sermone hominis indolem aestimare solemus. Vnde Socrates puero, ut te videam, aliquid eloquere, dixit. Gestus, quia mores gestus sequitur, eosq; prodit: & ad sermonem componitur, velut chorea ad instrumenti Musici sonum. Et ut nummi bonitas ex sono & colore aestimatur: sic interna animi humani qualitas ex sermone & gestu.

7. Ex officio dicitur, quòd comitas medium prudentiæ servet in sermone & gestu ad honestè oblectandum & modestè reprehendendum. Hæc verba ab officio & modo versandi comitatus sunt sumpta. Ut mediocritas prudentiæ in sermone & gestu suaviter formando servetur, observanda quedam ad sermonem, quedam ad gestum, quedam ad ipsius comitatus rationem pertinentia. Quæ sermonem, ut ille suavis sit, debet esse competens ratione temporis, modi, & objecti s. materia. Ratione temporis, sermo sit tempestivus. i. e. temporis aptus & conveniens, ut nec in conversatione instar statuae muta sedeamus, quod odij, superbiæ, stultitiæ, aut pertinaciæ suspicionem inferi: nec nimio loquaces simus, ut vel soli sermonem obtineamus, vel aliorum sermones temerè interpellemus. Hoc n. odiosum est, & contentioni ac confusio-
cilem

cilem occasionē prabere potest: ac vocari hinc solet aliquis canis importunē latrans. Ratione modi proferendi sermo sit consideratus, ne prius procedat ex ore, quā sit formatus in mente: ne lingua mentem præcurrat, & sint ἑπεὰ πτερόεντα, ut Homerus vocat, i. e. verba alata: Periculosum n. est, ante meditationem loqui, & contemptum talis præcipitantiā infert: Hinc Seneca: Quidquid dicturus es, antequam alijs dixeris, tibi dicito. Nam ad pœnitendum properat, qui citò dicit vel iudicat. Et dictum indictum fieri nequit; non dictum faciliè dici: Clarus & apertus, ne vox vel deprimatur, ac si catharro præscati essemus, vel verba nimis festinè præcipientur; aut nimis clamosa sint; aut vitiosā cantillatione prolata, aut alio pronuntiationis vitio affecta, ut labdacismo, jotacismo, psellismo, traulismo, platiasmo, gargarismo, battologiā, &c. V. Alsted. Ech. 3. c. 23. n. II. Hæc n. omnia sermonem reddunt insuavem: Modestus, non affectatus, ne sermo vernaculus deferatur, exoticus ostentationis gratiā assumatur. Sic si Germanus Belgicè, Bavarus Westphalicè loqui affectet. Hoc risum citare & contemptum inferre solet; Et cogitandum hic illud: Syrus cum non sis, ne Syriis: Sit gravis, & pro temporis occasione sententiosus, ne plus tinniamus, quā loquamur, & mare verborum sit in sermone, gutta rerum: sed plus sit sententia in loquendo, quā strepitus in sonando. Ratione objecti & materia sermo sit de recognitā, nam de incognitis nemo peritè iudicium fert: si ferat, ingratus erit, ut Alexander M. de picturā in adibus Apellis, & Ptolomæus Rex de Musicā iudicans: Conveniente, utili, necessariā, & verā. De malis & inutilib. non dicendum. V. Prov. 18. v. 21. Jacob. 3. v. 5. 7. nisi aut propria conscientia, aut peculiaris vocatio exigat.

8. Quā gestum, ut ille sit gravis, sit sermoni assemptratus, moderatè gravis, ut velut tacendo loquatur: nec in de-

fectu peccet, ut homo statue instar sit immobilis: nec in excessu, ut simia instar instabilis. Gestuum carentia factum & rusticitatem prodit: nimia frequentia inconstantiam & animi levitatem. Gestus a. talis sit, qualis videri cupis. Et tales simus intus, quales apparemus exterius. Estq; porro gestus vel totius corporis, vel singulorum membrorum, ut capitis, oculorum, nasi, manuum, pedum, &c. Et respicit vel situm corporis in stando, sedendo, vel eundo: vel qualitatem in munditie omnium membrorum: vel actiones in respirando, ridendo, edendo, bibendo, spuenso, nares emungendo, &c. De quibus specialiter Casæ Galateus, Ste: Guatzus in disert: Polit: Alsted: Eth: 3. c. 25. Althusius in doct: civ: aliq; videantur. Quà rationem ipsius comitatus, Comes adjunctam habeat facilitatem, suavitatem, & benevolentiam. Facilitatem, ut facile admittamus & invisamus alios, ubi opus & utile est. Vbi non opus, gravitate temperetur facilitas: secus facile in levitatem degenerat, & Nimia familiaritas parit contemptum: Nulli te facias nimis sodalem, monet Poëta. Suavitatem, ut nulli molesti simus, omnibus, quantum licet, benefici, juvando consilio & operâ: aquabiles, & aliorum infirmitates humaniter ferendo, neminem ridendo, aut insectando, hoc n. odium, contentionem, & similis insectationis periculum parit: quandoq; mansueti, & iram temperatè frænando, ut cum contentioso ita agamus, ut prudentia locum det temeritati. Confer Prov: 15. v. 1. In corrigendo comitas sit prudens, amica, & privata. Prudens, ut subjectum corrigens & objectum corrigendum competenter se habeant. Corrigens sit justa auctoritatis, & vitio, quod corrigit, careat: secus audiet: Clodius accuset mœchos, Catilina Cethegum? Juven. sat. 2. Corrigendus sit nobis notus, aut subjectus. Amica, ut morositas caveatur, & mitigatio adjiciatur, quâ vel alios etiam culpamus,

patius, vel nos ipsos non omnis defectus expertes asserimus. Privata, ne in publico vitia opprobremus, hoc n. crabrones excitare solet. Publicè lauda, privatim argue. V. Sirac: 31. V. 41. 42. Adjunctam etiam Comitas habeat Benevolentiam, ut eam verbis & rebus attestemur. Verbis, ut humanè salutemus & resalutemus. Rebus, ut capitis aperiione, loci cessione, osculatione, ubi hac usitata, ut apud Medos & Anglos. Vid. Pol. Virgil. l. 4. d. inv. rer. c. 13. aut simili ritu nos humanos exhibeamus. Exhibetur a. humanitas quæ personam vel superiori, & huic cedendum, auscultandum, obtemperandum: vel pari, & huic consentiendum, & ceremoniæ ejus ex urbanitate quadam magis, quàm debito interpretanda: vel inferiori, huic modestè persuadendum, & benevolentia gravitate mista exhibenda. Cogitandum illud Ciceronis: Quanto superiores sumus, tantò submissius nos geramus. V. d. 6. c. 24. Sic Alexander M. suavissimus in conversatione erat. Plut. in Alex. Parmenionem rursus increpare non sustinebat. Curt. l. 3. c. 12. Sic Willigis primus Moguntinus Archiepiscopus patre rhedario ortus rotas undiq; appingi jussit cum inscriptione: Willigis, Willigis, recole, unde veneris: ut pristini status ad moneretur. Similia egerunt Agathocles Sicilia, Pipinus Gallia, Lescus II. & Pyastus Polonia Reges, & Primislavus II. Bohemia Dux. V. Camerer. C. 2. c. 54. Benè Epictetus de moderatione: In conversatione majori cedendum, minori modestè persuadendum, æquali est assentiendum.

9. Ita definitio comitatus, ex eâ objectum & officium, vel versandi circa objectum ratio: sequitur subjectum. Hoc vel inhaesivum & mediatum, quod voluntas humana moraliter instruenda, & appetitus sensitivus, quæ informationis moralis capax, d: 5. c. 16. vel denominationis & ultimum, hoc est compositum s. homo comis, primum mas, secundarium femi-

fœmina: & inter mares imprimis litteratus, juxta illud: Quò quis doctior, eò humanior, & quò indoctior, eò impudentior. Interdum, qui libris sunt addictiores & meditabundi, austeri & inhumani videntur: sed id per accidens & in speciem est, non per se & in veritatem. Cum altiùs cogitatis mens tenetur defixa, sensus externi coeteraq; exteriora anima instrumenta magis ad internas operationes revocantur, & sic in officio quâ exteriora exequendo minùs sunt parata. Vnde meditabundus in ipsis meditatùs compellatus aut non satis admittit compellantem, aut non satis intelligit. Vnde minùs humanus existimatur. Et valeat hic illud: Intùs existens prohibet alienum. Sed discussis meditatùs, & mente ad exteriora revertente pandere se sensus & externa organa iterùm incipiunt: & humaniùs omnes compellantes admittuntur, & tractantur. Sic Chrysippus speculationib. Dialecticis ita defixus sedit, ut cibi & potus obliuisceretur, nisi ancilla bolos ori ingessisset. Hinc Dialecticâ ejus & Deos usuros dictum, si quâ uti voluissent. Erasmi. 7. apo. in Chr. §. 1. De Bernhardo narratur, quòd oleum biberit pro vino, cum meditatùs totus inhareret. Luther. in c. 27. Gen. v. 23. V. & Co: à Lap: in Apoc. 2. v. 17. Interdù Prophetæ & Apostoli nec salutare sunt jussi nec resalutare quenquâ. 2. Reg. 4. v. 29. Luc. 10. v. 4. Sed nò in rusticitatem id interpretandù: sed celeritatē expediundi itineris, ne ullâ re moram sibi interponi paterentur. Judæi n. celeritatē rei expediundæ notantes, etiâ salutationes nò curandas adjicere solēt. Secus jussi Apostoli salutare. Matt: 10. v. 12. Luc. 10. v. 5. Ipsi salutaverunt. Rom. 16. v. 3. seq: alios id facere jusserunt. c. 1. v. 16. Ex aduerso plerumq; inhumaniores sunt indocti, quia, quòd litteris deest, roruitate se compensaturos sperant: & melancholici, & atrobilarij ac cholericì, quia spiritus fuscòs, impuros, crassos & nubilòs in cerebro habent, qui similia cogitata movet: & ut co-

gitata

gitata sunt, ita mores esse solent. Interdum & phantasiâ vehementer coruptam habent, ut solitudinem elegant, monstro-
sa sibi fingant, & totam cerebri constitutionem mirificè con-
fundant, ut alibi dicitur.

IO. Ita & subiectum Comitatus: sequitur Divisio. Ex
statibus, in quibus reperitur, vel Ecclesiastica, vel Politica, vel
Oeconomica dici potest. Ecclesiastica, quæ in familiaritate Ec-
clesiasticâ exercetur. Vt inter Professores, Concionatores, Scho-
larum Collegas. Generalia hujus conversationis ex Ethicis pro-
menda: specialia ex scriptoribus rei Ecclesiasticæ. De quo A-
mæsium l. 5. Cas. Consc. c. 24. D. Gerhard: d. min. Eccl.
& D. Balduinum in instit. Ministr. c. 24. 25. aliosq; vide.
Politica, quæ in conversatione politicâ exercetur. Vt in Ma-
gistratu, ubi comitas peculiariter dicitur popularitas, quæ in
Tiro & Regib. quibusdam Persarum excelluit, cujus exempla
Zvingerus vol. 12. l. 1. habet: Subditis, ubi vel negotialis est,
& commercijs adhibetur: vel hospitalis & in excipiendis tra-
ctandisq; peregrinis conspicitur, de quâ d. 6. t. 10. actum. Oeco-
nomica, quæ in societate domesticâ exercetur, ut inter parentes
& liberos, fratres & sorores, heros & servos, &c. Exempla
Zving: c. l. habet. Omnis species comitatus etiam cum hereti-
co, Iudæo, pagano, infideli, exerceri potest, ut Abraha. Gen. 14.
Isaaci, Gen. 26. Jacobi, Gen. 29. Christi, Luc. 7. exempla, &
dictum Pauli I. Cor. 7. v. 12. 13. aliaq; uberius docent.

II. Ita absolute comitas tractata: Respectivè cum op-
positis suis spectetur. Ea vel apparentia, vel vera. Apparens
com: oppositum est gravitas morum, virtus moralis decorum
in morib. externis honestatis gratiâ servare faciens. De ejus
officijs, requisitis, & oppositis Alstedium. Eth. l. c. 19. vide.
Vera opposita sunt excessus & defectus. Excessus & nimia co-
mitas est vel ageræa & blanditia, vel molaxia & adulatio.

vel nimia submissio, nec ejus, quod nos decet, receptio, de qua d. 6. t. 24. vide. Blanditia interdum sumitur pro vitio nimia vel aliena alicui tribuente, sic species mendacitatis est, & varacitati opposita: Interdum pro vitio nimis ad alterius gratiam se accommodante, ita nimia comitas & excessivum ejus oppositum est. Hæc vel in Magistratu & superioribus est, & nimia popularitas dicitur, vitium auctoritatem Magistratus vehementer procultans, cujus exempla Zvinger. c. 1. habet: vel in inferioribus, & blanditia ac assentatio vocatur, cum solo placendi studio nimia comitas adhibetur. Ingens in mulieribus vitium est, & quod pluribus peccatis januam aperit. V. Camer. C. 2. c. 34. In gynæceo Regina Gallie earum plures fuerunt. Eremund. p. 18. hist: Gall: Adulatio est, cum luctu & utilitatis causâ nimium alteri accommodatur. Hoc vel manifestò fit, & si gula gratiâ fiat, parasitum hominem vocari facis: vel occultè, cum honoris amorisvè prætextu nimia gratia captatur. Ex signis, quibus se prodit, vel verbalis esse potest, cum verbis exeritur, ut cum Cleo Alexandro assentatur. Curt. l. 8. c. 5. vel realis, quæ factis & gestibus. Ut cum Persæ eundem ut Deum humi prostrati venerantur. Curt. c. 1. De utraq; multa differentem vide Drexelium in Phaetoni c. 1. 2. 3. Perpetuum Regum malum est, quorum opes sapientius assentatio, quàm hostis, everrit. Curt. c. 1. Exempla Zvinger. c. 1. habet. Defectus est, cum nulla aut insufficiens in dicendo a. agendo adhibetur comitas. Dicitur morositas, inhumanitas, rusticitas, severitas, torvititas, vulenositas, asperitas. Cum nec admittitur facilè aliquis, nec benignè cum alio conversamur. Sic Timon Atheniensis misanthropus erat, omnes fugiens, unum Alcibiadem admittens, quod multorum malorum Causam Atheniensibus futurum prævideret. Zvinger. c. 1. l. 3. Vbi plura exempla.

12. *Fuit Virtus dirigens conversationem seriam*: Sequitur dirigens jocosam, qua est Urbanitas. Ejus vox interdum studium vite urbana notat. Cicero 7. fam. ep. 6. *Tamodò desideria Urbis & urbanitatis deponere*: Interdum studium jocandi & lepidè loquendi. Sic vel potentialiter, vel actualiter, vel habitualiter sumi potest, ut comitas, t. 3. Grammaticè dicitur ab urbe, quod in urbibus & oppidis potissimum exerceatur. Dicitur & jocositas, lepiditas, venustas cōcinnitas, festivitas, argutia, salitas. Comici interdum scurrilitas, Et scurra pro Urbano. Plaut. Most. a. 1. f. 1. *Urbanus scurra delicta populi*. Conf. & Poen a. 3. f. 2. Epid: a. 1. f. 1. *Gracis εὐτραπέδεια & εὐτροπία q. morum rotatio & flexilitas*. Sed interdum hac vox scurrilitatem notat, ob jocorum abusum. Ephes. 5. v. 4. unde surptudini & stultiloquio jungitur. *Germ. höffigkeit / scherzhaffigkeit / &c. dicitur.*

13. Realiter in definitione, objecto, officio, & oppositis spectari poterit. Definiri potest virtus moralis directā, mediocritatem prudentiæ circa jocos & ludicra in conversatione servare faciens, ut decorum servetur, offensio vitetur.

14. *Ex genere dicitur virtus moralis directā*. V. d. 3. t. 17. *Ex differentiā mediocritatem prudentiæ circa jocos & ludicra servare faciens, dicitur*. Mediocritatem prudentiæ servare facere quid sit, ex d. 3. t. 8 14. & d. 5. t. 6. patet. Ex officio urbanitatis id sumptum, quod medium prudentiæ in jocis & ludicris servare doceat. Servabit ita medium urbanitas, ut joca partim prudenter proferre, partim acceptare doceat. In proferendo joci sint jucundi, liciti, utiles, convenientes & dicentibus, & audientibus, apud circumstantijs locorum & temporum. Jucundi, ut voluptate aliquā persundant audientes. Inde n. *jocus q. jocundus dicitur: & sales no-*

minati, quòd sale scientia velut sint conditi, & salem Mercu-
rij, non Momi, habere debeant. Aliàs joca acuta, dentata, mor-
dacia, aculeata, noxia sunt: pungunt enim audientes, non
delectant: & interdum acrem sui memoriam relinquunt, de-
centiꝝ obsunt. Sic Fusio apud Tiberium, Tacit. 5. ann. c. 10.
Vestino Consuli apud Neronem, Id. l. 15. an. c. 10. Petro cui-
dam Dano ap. Vladislauum 11. Polonia Regem. Dresler. mill.
6. p. 614. Et alij scurrili jocatori ap. Johan. Basilidem Mos-
chum, quem cultro mensario crudeliter in collo transfixit, ut
continuo moreretur. Guagnin. descr. Moscov. c. 5. p. 95. Li-
citi, ut ex materiâ & argumento licito desumantur. Hinc non
facile Christianus jocandi materiam ex scriptura verbis desu-
met, qua illi Sacrosancta esse debet, nisi vel ipse loci sensus
salis aliquid in se habeat, ut Joh. 3. v. 10. Job. 32. v. 18. 19.
seq. vel Proverbium sapiat, ut 1. Reg. 20. v. 11. Ezech. 16. v.
41. 1. Cor. 8. v. 1. Nec Reges, Principes, Magistratus, in ma-
teriam jocorum trahendi. Illis enim competit observantia,
non imminutio. Utiles, ut audientes erudiant, & quâ intelle-
ctum, quem cognitione & a priori memoriâ perfundant: & quâ
voluntatem, cujus appetitum ad virtutem excitent, & sic mo-
raliter informent: & quâ membra exteriora, ut lingua &
gestus comptè & decorè informentur. Vnde lusus scerici, Co-
mœdia & Tragœdia de decoro argumento, tempore locoꝝ con-
uenienti, & modo competente habita, non omninò improba-
ri possunt, si lascivia, petulantia, levitas, & obscœnitas ab-
sint, secus acrigidiores quidam Censores judicare solent, qui
penitus rejciunt. Amelius l. 5. cal. Consc. c. 39. q. 7. Danæ-
l. 2. Eth. Chri. c. 14. p. 221. Quibus rectiꝝ mitiores alij indif-
feren. . . eas, & sic quandoꝝ licitas judicant, quo de D. Meisn. d.
12. adiap. 4. & p. 1. P. S. l. 2. c. 4. q. 1. D. Brochm. L. C. d. lege.
c. 12, l. 2. q. 6. Alsted, Eth. l. c. 23. Diest. p. 1. meth. Theol. c. 9.
alijꝝ

aliq. legantur. Idem de choreis licitis & tempestivis habendum. V. d. 5. c. 13. Comædia leves & illicita non sunt admittenda. Sic Lacedæmonij tragædias & Comædias non admittébant, ut nec seriò nec joco quidquam legibus repugnans audirent. Erasmi. l. 2. apop. §. 28. Convenientes & dicentibus, ut eorum statum deceant, alia n. competunt Theologo, alia militi: alia puero, alia seni: alia Christiano, alia infideli: aliter loquendum cum superiore, aliter cum aequali: & audientibus, ne falsè eos notent, & bilem in nasum conciant. Apti circumstantijs, & locorum, ne locis alienis fiant, ut in senatu, curiâ, templo, scholâ, & ubi res seria poscit, non jocosa: & temporum, ut prudenter & inchoentur, & continuentur, & finiantur. Peccavit hic Henricus Guisus, qui licentiâsimè de quibusvis quovis loco & tempore joci solitus, novissimū essam periculum jocando eludens in nassam incidit, quam cavere potuisset, si intèpestivis jociis abstinuisset. Vt Sclida. contin: habes. In accipiendo urbanitas dictabit jocos aliorum benignè suscipere, humaniter tolerare, & jocosè dicta non in serium explicare. Juxta illud Comici: Si quid per jocum dixi, noli in serium convertere. Plau. Poen. a. 5. c. 5.

15. Ex objecto dicitur, quòd medium servet circa jocos & ludicra. Objectum urbanitatùs vel est internum, appetitus jocandi & ludendi: vel externum, quod vel verbale est, & jocus dicitur, vel reale, & lusus. Joci sunt verba faceta ad jucunditatem composita. Lusus sunt gestus & acta ad eandem conformata. Horum attendenda & necessitas in vitâ humanâ, in quâ datur fatigatio, & consequenter concedenda relaxatio, quæ joci & ludicri fit: Cum fatigatio sine relaxatione totalis sit consumptio, & arcus semper intensus rumpatur: Et utilitas, quæ & Spirituum refectio, & consequenter corporis ac animi refocillatione, & gratia ac amicitia sæpius conciliatione

perspicitur. Quidam joci sunt iniquiores, quasi gravitatem Christianam parum decentib. Vt ex Veteribus Hieronymus, Socrates, Euripides ap. D. Baldu. in c. 5. Eph. q. 4. &c. 4. Coloss. q. 3. Ex Neotericis Photiniani. Vt Smalcus d. diu. Chri. c. 5. & con. D. Frantz. d. 7. t. 131. 132. Catech. Raccov. Germ. p. 199. alijsq. De scurrilibus joci id verum. De honestis jucundisq. ipsa scriptura in contrarium est. V. c. 14. Quae contra hic moveri solent, ap. Timplerum l. 3. Eth. c. 6. q. 7. Alsted. c. 18. Eth. §. 1. aliosq. discussa vide. Et jucunditas, de quâth: 14. Ex fine dicitur, ut decorum servetur & offensus vitetur. Finis urbanitatis proximus est, decorum in sermone & facto jucundo servare, & offensionem alterius vitare verbo a. facto injucundo. Exempla urbanorum ap. Zuinger. vol. 12. l. 4. Manlium Coll. p. 271. 431. seq. vide. Jocorum saliumq. aliquot exempla Alstedius c. 1. Lycosthenes in apoph: iii. de jocosè dictis, habent. Vnde joca depromi possint, fusè disceptat Cicero 2. d. Orat. §. 76.

16. Opposita ejus sunt excessus & defectus. Excessus est scurrilitas, vitium morale mediocritatem in joci ludicrisquæ adhibendus excedens. Fit, cum nec honestatis, nec decore jucunditatis, nec circumstantiarum, loci, temporis, aut personarum habetur ratio. Estq. vel scurrilitas propriè dicta, quæ solius risus gratiâ exercetur, & ex ore, ut loquuntur, facit podicem: Germanis schandnarren / schandgâste: in aulis Magnatum Moriones vocantur. Eorum exempla ap. Zuinger. c. l. l. 5. Melandrum T. I. jocos: c. 71. 72. seq. vide. Vel cavillatoria, quæ irridendi & cavillandi gratiâ fit, & interdum convitio propior est, quàm scurrilitati. De hac quæaam ap. Manlium c. l. p. 371. seq. vide. In quo scurrilitas propriè consistat, an in verbis, an rebus, quæ hic solet? Propriè in sensu & intensione dicentis aut agentis consistit. Quadam res suâ

naturâ turpes non dicuntur obſcoenè, *Ut adulterari, fornicari, furari: alia ſuâ naturâ non turpes dicuntur obſcoenè, ut liberos edolare. Sensus & intentio dicentium hic obſcoenitatem pariunt. Veteres non admittebant in convivij mulieres, quòd facile verbum evolare poſſet, ſenſum obſcoenitatis involvens, etſi animus dicentis forſè eam non intenderes. V. Muret. l. 7. V. L. c. 2. Defectus eſt ruſſicitas & inſulſitas, vitium morale, joca aut luſus nec prudenter uſurpans, nec admittens. Sic Nobilis quidam uxorem melam ejeciſſe audiens, ein Nonſalb/ meliorè vitulum infante eſſe inſulſè reſpondit, quòd ille comedì poſſet. Manlius c. l. p. 445. Plura Zuinge. c. l. l. 6. habes.*

16. *Fuit Urbanitas: Sequitur virtus ad candorem & ſinceritatem vitam componens, Veritas vel veracitas. Veritas interdum notat aequitatem, ut in illo Horat. l. i. ep. 7. Metiri ſe quemq; ſuo modulo ac pede verum eſt, i. e. aequum: interdum veritatem entitativam ac transcendentalem, quomodo omne Ens eſt verum: Interdum cognitivam & intellectivam, quomodo conceptus conformatur cum re: interdum ſignativam, quomodo conformatur ſignum ad rem ſignatam. Ad hanc veritas Ethica referri poſeſt, qua requirit conformitatem ſigni ſignificantis cum animo & inſentione ſignum proferentis. Ita veracitas vel potentialiter, vel actualiter, vel habitualiter ſumi poſeſt, *Ut de comitate c. 3. dictum. Ultimo modo hic ſumitur. Et ſic adhuc dupliciter. I. Specialiter pro veritate judiciali, quâ in judicio vera ſententia vel teſtimonium fertur ad ſervandam juſtitiam. Dicitur etiam veritas juſtitia, & ad illam certo modo pertinet: Vel pro veritate ſermonis, quâ quis vera loquitur, hæc ſpecies aliqua veritatis moralis eſt. 2. Generaliter, pro veritate vitæ, cum quis per totam vitam talem ſe oſtendit ſignis, qualis eſt vel eſſe vult factis. Sive illa ſigna ſint verba, ſive geſtus, ſive veſtimenta aliqua,*
*sive**

sive quodcunq; notificans mentem. Ita hic sumitur. Derivatur Grammaticè à vero & verace, quod à vere, aut ve, id est, vehementer, & res derivant, quod non solo verborum sono, sed & rerum sensu constet. Dicitur & candor, sinceritas, integritas, simplicitas, in quâ tanquam in nutrice virtutum viam ad felicitatem statuerunt Latini, ut Scaliger ex. 299. f. 2. loquitur: fides, fidelitas. Græci ἀληθεία, German. Waarheit / waarhaffteit / Redligkeit / Aufrichtigkeit.

18. Res ipsa Veracitatis definitione, objecto, officijs, divisione & oppositis spectari potest.

19. Definitio sit: Veracitas est virtus moralis directâ, medium prudentiæ in promendo vero morali sincerè honestatis gratiâ servare faciens.

20. Ex genere dicitur virtus moralis directâ. Hac ex d. 3. t. 17. patet. Differentia ex officio, objecto, & fine desumitur. Ex officio & objecto dicitur medium prudentiæ in promendo vero sincerè servare faciens. Verum morale est convenientia cordis & oris s. vite, cum signa nostra vel verbatia vel realia conveniunt cum rebus corde conceptis. Sic Aegyptij harmoniam hanc cor humanum appenso gutture pingentes adumbrabant. Veracitas medium prudentiæ servabit partim verum loquendo, partim agendo, partim silendo, partim dissimulando. Prudentiæ medium servabit, h. e. secundum prudentiæ rationem & dictamen determinatum, de hoc V. d. 3. t. 8. Prudentia a. pro personarum aut circumstantiarum ratione interdum loqui jubebit, a. gestum edere, a. silere, aut dissimulare & reijcere. Universa hæc ad moderamen prudentiæ & virtuoso interdum eligi possunt. Cum verbis, quod sentitur, convenienter præfertur, dicitur specialiter Candor. Hoc proferre vel est simplex, ut esse aut non esse simpliciter significetur: vel determinatum, aut gradu aliquo, cum gradus rei

conveniens etiam legitime adhibetur, ut cum tot vasa vini, tot modios frumenti, aut tanta bonitatis & prestantia vinum vel frumentum esse dicitur: aut modo adstringente, qui vel vehemens asseveratio esse potest, qualem in particulis profetis, certe, verè, ex vero, verissime, esse dicunt; & quidam etiam in particulis Græcis, amen, amen, esse existimant, quas vehementem asseverationem, non præcisè veram juramenti rationem continere putant. V. Alsted. Th. Cas. c. 15. th. 2. n. 4. Flacium p. 1: Clau. Voce Amen. Amesium l. 2. medul. c. 10. §. 28. & l. 4. Cas. Consc. c. 22. §. 16. Toletum in c. 3. Joh. n. 4. aliosq. Thomas sec. 2. q. 89. a. 6. inter juramenta per simplicem contestationem & execrationem distinguit. De hoc plura alibi: Vel juramenti additio, quod est vehemens veri confirmatio cum invocatione Dei ut testis facta. Hec arctius ligat proferentem ob seriam & severam nominis divini attestacionem, quod, ne in vanum sumatur, omni Christiano & sanà ratione pedito maximè est curandum. Invocando enim in testem Deum, non solum homini fit confirmatio: sed Deus ipse in testem & vindicem invocatur. Non ergo homini solum, sed & DEO circa juramentum obligari, & satisfacere teneri, si de licito & possibili objecto sit. Severa enim poena violatores nominis divini manet ex comminatione DEI, Exod. 20. v. 7. Leu. 19. v. 12. & qua pluribus exemplis est confirmata, qua in prompt: exem: p. 1. p. 257. seq: vide. Conf. th. 26. Ex antiquiorib. Pelagiani ap. Hieronym. l. 4. p. 63. Anabaptistæ in Colloq: Embdano, (quantum in Frankenthal: ar. II. moderatius sensere,) Photinianorum quidam, ut Smalc. d. div. Ch. p. 20. & d. 7. d. bon. op. c. Franz. f. 7. & d. 6. d. reb. civ. f. 7. Stegm. in proba. c. 1. p. 61. seq. Ostorodus c. 25. Instit. n. 2. aliq. juramentis Christianorum sunt iniquiores. Sed licita etiam Christianis es-

se juramenta exempla Christi, Matth. 5. v. 18. quod ad juramentum accedere ex Hebr. 6. v. 14. patet, & Pauli, Rom. 9. v. 1. 2. Cor. 1. v. 23. Phil. 1. v. 8. docent, & alibi plurib. disceptatur. Prolatum ergo cum juramento de possibili & licito objecto ligat jurantem in conscientia, etiamsi de re nobis privatim detrimens sit, etiamsi vi dolove juramentum extortum. Ut si latroni proredimenda vita aris summam promiseris, & silentium vel restrictum de loco aut tempore facti, facie, vestitu, moribus, conversatione, latronis, non indicandis, vel absolutum, de casu nec genere nec specie enuntiando, condixeris, in foro conscientia ad utrumq. prestandum obligaris. Juramentum n. obligationem Deo, non soli latroni, factam in foro conscientia inducit, quam sine injuria Dei non possis vel implere, vel omittere, si de licito sit. Teneris ergo Deo ad prestandum, ob obligationem juratio factam. Sic Jos. sua juramentum Gibeonitis datum servabat, etsi dolo extortum. Jos. 9. v. 15. 16. Et ob violatum illud Deus iram ostendit. 2. Sam. 21. v. 1. Reddes enim juramenta DEO tuo. Lev. 19. v. 12. Matth. 5. v. 33. Et nullâ ratione cum ludificari licet. Gal. 6. v. 7. Quidquid sit de jure latronis, quod in tali casu habeas vel non habeas: Quidquid de foro exteriori & Politico, ubi nec latro taliter obligare posse hominem dicitur, ut quæ vi metuq. extorquet: nec viator illi obligatus esse asseritur, ut violentiâ adactus: nec actio latroni in viatorem de poscendo are in foro conceditur, ut qui ipso facto infamis & mortis adjudicandus est, qua omnia in foro soli procedere possunt. Sed aliud est jus poli, aliud soli. Politia non vult firmata latrocinia, nec per se, nec per accidens: sed penitus evulsa cupit. Vnde nec latroni actionem concedit, nec tibi obligationem promissi in suo foro addicit, Sed & non judicare potest de tuâ consci.

Scientiā: Sed privatam hanc tibi curam relinquit, velisne
 prastare jurata, an secus? In foro conscientia servare tene-
 beris, & servando nec per se colludis latroni, nec confirmas
 latrocinia. Sed facis aliquid, unde scelestus homo rapit occa-
 sionem per accidens ultrà latrocinandi. Non per tuum factū,
 velut per se: Non n. tu hoc intendis, ex quo maximum in a-
 ctu moralis momentum sumitur, V. d. 2. t. 14. 15. nam vitam
 servare cogitas: sed per aliud, indurati cordis sui malitiam.
 Sic Deus indulgendo Pharaoni nec colludebat impietati Pha-
 raonis, nec eam confirmabat; non n. horum aliquid intende-
 bat, nam convertere illum tolerantia istā volebat: sed age-
 bat aliquid, unde homo per sese durus & scelestus occasiōē
 rapiebat ultrà se indurandi. Simile quid in hoc casu est, etsi
 in nonnullis ingens sit diversitas, ut alibi disputatur. Sic qui
 contributiones rapaci militi cogitur solvere, non confirmat
 per se injustam rapacitatem militis, sed facit aliquid, unde
 furia plus extorquendi occasiōem rapit per accidens, citra
 tuam culpam aut intentionem. Plura de hoc casu, intricato
 aliās, ex Nostris ap. D. Thummium d. juram. p. 99. 100.
 seq. D. Balduin l. 2. Cas. conf. c. 9. q. 12. D. Meisner: d.
 sum. bon. c. 3. q. 5. n. 5. D. Gerhardum d. lege. §. 121. D.
 Brochmand. L. C. d. leg. c. 9. q. 5. Serferum l. 1. d. juram.
 c. 20. Hunnium T. 1. in Treutl. d. 6. q. 45. 46. Rauchba-
 rum p. 2. qu. Jur. q. 4. ex Reformatis ap. Perkinsum anat.
 Conf. d. juram: q. 3. Rivetum in Psal. 24. v. 4. Scharpi-
 um T. 1. L. C. d. lege. p. 330. Amesium c. 1. Alstedium c.
 1. & c. 12. t. 1. Martyrem clas. 2. L. C. loc. 13. n. 21. ex Pon-
 tificijs ap. Valentiam T. 3. d. 6. q. 7. p. 4. Covaruviam T.
 1. V. R. d. matrim. p. 2. §. 5. n. 2. Lessium l. 2. d. just. &
 jur. c. 42. dub. 4. & 6. Bodinum l. 1. d. Rep. c. 1. aliosq. vi-
 deantur. Bodinus, Serferus, Rauchbarus, & Hunnius ad

negantem inclinam, quod latroni ac latroni dare sit res in se illicita: Et propter vim ac metum dare sit contra bonos mores: & silentium condicere in latrocinio sit fores portasq; latrocinij aperire, & non indicando Magistratui viam iustitia publica impedire: Et juram: coactum contractum constituere nequeat, quare nec servandum sit. Alij juramentum de dandâ pecuniâ servandum ajunt, non illud de silentio præstando. Vt D. Balduinus, Meisnerus, Gerhardus, Scharpius c.l. Alij utrumquè servandum putant, ut D. Thummius c. l. p. 104. Quid de his habendum, partim ex discursu patebit, partim apud D. Tummiû, Rivetum, Covvarruviam, Valentiam & Lessium videri potest. Silentium promissum, quod sine damno Conscientia servari potest, est servandum. Sirac. 19. v. 7. 8. 9. Hoc tale esse per discursum dici poterit. Plura aliàs de hoc. De contractu coacto aliquid ex d. 2. t. 18. patet. Simile in juramento hosti aut hæresico dato procedit, quod omninò in foro conscientia ligat, si de licito & possibili sit. V. D. Gerhard. d. Mag. Polit. §. 209. D. Meisner. p. 3. P. S. f. i. c. 7. q. 2. De objecto illicito valet illud Euripidis: Linguâ jura vi, mentem injuratam gero. Et illud Iliodori: In malis promissis rescinde fidem; in turpi voto muta decretum: Impia est promissio, qua scelere impletur. Vt habet Jus Canon. cau. 22. q. 4. c. In malis. Sic scriptura impia vota rescindere jubet. Lev. 5. v. 4. 5. Ita Nicomachus negat se in parricidio fidem dedisse. Curt. l. 6. c. 7. Et alius, cum illicitè jurasset, Nescioam inquit, hoc juramentum alio & majore juramento indigere. Ita David rescidit Juramentum temerarium de occidendo Nabale & familiâ. 1. Sam. 25. v. 22. Agestilaus injutum dixisse se, non promississe, dicebat. Erasmi. l. 1. apop. in Agef. §. 6. Es malè Herodes inconsultatum juram: implevit. Matt. 14. v. 7. Vt impium est, malè jurare: Sic primum, tale juramentum non servare, ait Brennius.

21. Agendo, cum factis, gestibus, aut ritibus aliquid est proferendum. Nam & actus signa conceptus nostri mentalis esse possunt. Sic annuendo, abnuendo, caput motitando, locutionem vel torvitatem preferendo, varia indicare possumus. Veracitas facit, ut & isti actus menti nostra sint conformes, nec aliud extus pra nobis feramus, aliud corde recondamus. De simulatione hic quæri solet, an inter licita numeranda, an illicita? Breviter de illâ hic nota: 1. Simulatio in verbis semper est illicita, est n. mendacium, & aliud proferens, aliud sentis: Verba autem ad unum in contextu sermonis significandum sunt determinata, nisi fortè sit jocus ex ambiguo: In rebus & factis interdum est illicita, cum mendacio juncta, aut analogâ est, aut ratione finis & modi pugnat cum religione, justitiâ, caritate: sic enim hypocrisin respicit, quâ mendacio vicina est. Sic si simules amicum, & fel in corde geras. Ut Joab erga Amasam. 2. Sam. 20. v. 9. 10. Sic cum quis vestem gerit, quâ ad professionem falsæ fidei est instituta, nec tamen animo illam fidem profitetur: interdum licita, cum citra mendacium aut hypocrisin consistit, & fictio qualiscumq; est. Facta n. sæpè sunt indifferentia ad hoc vel illud significandum, nec distinctè & ex naturâ sui ita ad significandum sunt determinata, ac verba: & à nobis aliò intendi possunt, ac quorsum ab altero assumuntur. Huc pertinent doli & strategemata bellica, ubi alia simulantur, alia intenduntur. Sic Paulus Consul aliâ minatus, aliâ irrupit in Macedoniam. Florus l. 2. c. 12. Aristippus milites cum asinis frumentarijs Tegeam velut mercatores misit, & Urbem occupavit. Frontin. l. 3. c. 2. Plura ap. Zving. vol. 5. l. 3. vide. 2. Falsam fidem nullo modo simulare licet, nec signa ad ipsam sectam profitendam instituta usurpare. Tale n. signum non ampliùs est indifferens, sed ad profitendum falsam sectam determinatum. Sic

Mauri vestem imagine Mahometis & Luna insignitâ ad cultum suæ fidei institutam habere dicuntur. Sic Judæi Romæ flavum pileum gestare coguntur. Hunc nullus Christianus licitè usurpare potest. Sic Jeshu simulabat fidem Baaliticam. 2. Reg. 10. v. 19. Sed hoc nusquam scriptura probat, etsi excisionem Baalitarum & Achabitarum probet. v. 30. Sic Eleasar volebat simulare esum carnis suillæ, etsi licita caro esset, quia iste esus in opprobrium legis divina erat institutus. 2. Macc. 6. v. 21. seq. 3. Nequit Christianus licitè in scenâ simulare representationes vitiorum aut vitiosorum, ut scurrarum, Lenonum, meretricum, &c. nam cum impuritas inter Christianos ne nominari quidè debeat, nisi cū summâ execratione, Ephef. 5. v. 3. minùs representatione gestuum, vestium, rituum, ludorum, simulari, & velut patrari poterit. 4. Ricus suâ naturâ indifferens pro circumstantiarum ratione, aut utilitatis alicujus gratiâ licitè simulari potest. Sic David insaniam coram Achis simulabat, ut effugeret. 1. Sam. 21. v. 13. & negotium festinè expediendum. v. 2. Deus excisionem Isaaci præ se ferebat, ut probaret constantiam Abrahami. Gen. 22. v. 2. Joseph severitatem præ se erga fratres ferebat, cum affectu interno compateretur, ut poenitentiam malè actorum eliceret. Gen. 42. v. 9. 10. 23. 24. Christus severitatem erga Cananæam. Matt. 15. v. 24. 26. & abitum simulabat, ut majus sui desiderium in comitibus excitaret. Luc. 24. v. 28. Hac n. omnia per se sunt indifferencia. Quidam Petri Judaicam vitam tantum simulatam fuisse putant, ut & reprehensionem Pauli in Petro, Gal. 2. v. 11. Vnde Cassianus, Origenes, Clemens, Erasmus, aliisq. licere quandoq. simulare & mentiri collegerunt, veluti interdum helleboro purgare cerebrū liceat. Sed utrumq. falsum esse rectius alij statuunt. De quo Cor. à Lapide in c. 2. Galatas v. 11. & Lessium l. 2. d. just. & ju. c. 47. d. 6.

n. 38. Vide. Elcesaita in persecutionib: fidem dissimulare & negare licitum asseruerunt, nec crimen id habere putarunt, modo in corde quis fixus maneret, ap. Lutzenburg. Cat. har. Falsum & hoc, & contra Matth. 10. v. 32. An Jacobi simulatio apud Isaacum se Esavum verbis fastisq. simulantis, Gen. 27. licita fuerit, etiam hic quari solet? Hoc apud Commentatores, Lutherum, Pererium, Cor. à Lapide, Gesnerum, Pareum, Scharpium, aliosq. vide. Plura de simulatione ap. Chr. Matthiam l. 3. Eth. ex. 7. dif. 2. legantur. Alibi fortè uberius hac deducuntur.

22. Silendo, cum magis prudentia jubet tacere, quàm promere. Hic taciturnitas in veracitate requiritur, virtus ad tacendum, ubi opus est, affectum inclinans, ut non solum vera promere sciamus, sed & tegere & occulere. Necessaria in rebus humanis virus est, ubi quadam vulganda, quadam suppressenda sunt. Vnde ille Spartam profectus, quid mirè ibi vidisset, rogatus, senem taciturnum respondit. Et Archidamidas cuidam Hecataum Rhetorem reprobandi, quòd in convivio siluisset, videris, respondit, nescire, quòd, qui dicendi sciat artem, etiam dicendi nòrit oportunitatem. Erasmi. I. apop. p. 83. Prudens bellator & cedendi artem calles, & pugnandi. Sic morum Philosophus & loquendi & tacendi oportunitatem novisse debet. Gnathana meretrix Attica juvenem ex Helleponto venientem, & in convivio loquaciorem allocuta, ex Helleponto venisse dicit, ait, & precipuam Civitatem ignoras, Sigæum. Silentij eum admonens, filere enim Gracis oryân est. Erasmi. 8. Apoph. §. 43. Leana meretrix Græca cum secretum prodere per cruciatus cogere, linguam præcidit & expuit, ne proderet illud. Bocatius d. clar. mul. c. 48. Quæ a. tacenda sunt, aut ex toto tacenda sunt, ut arcana, & peculiariter concredita. Sic Persæ arcana Regum mirâ fide celant,

lant. Curt. l. 4. c. 6. Aut ex parte, cum specialia & circumstantia non promuntur, genus tamen indicatur. Ita tacendum in specie latrocinium ajunt, si juratò promissum: In genere Magistratus moneri potest, vigilet, & publicarum viarum rationem habeat. V. t. 20. Sic partem veri dicere possumus, quando totum enunciare non licet. Sic Athanasius in fugâ deprehensus, modò se hac transivisse dixit, quod verum erat: etsi alteram partem non addebat, se eandem viam denuò repositisse. Sic obstetrices Aegyptia partem veri dicebant de rigidâ Judæarum naturâ, partem de servatis infantibus reticebant. Exod. i. v. 19. Abraham verum dicebat de Sarâ, esse sororem suam. Gen. 20. v. 1. sed simul esse uxorem suam reticebat. v. 12. Samuel partem veri dicebat de sacrificio habendo. i. Sam. 16. v. 2. 5. Alterum de ungendo in Regem Davide reticebat. Jeremias partem de colloquio Sedekia dicebat, partem reticebat. Jerem. 38. v. 26. Et David ad Achis de irruptionibus in partes Judææ conterminas. i. Sam. 27. v. 10. etsi Achis de ipsâ Judæâ infestatâ intelligeret. Paulus partem veri dicebat, se de resurrectione mortuorum accusari. Act. 23. v. 6. Vt patet ex c. 24. v. 15. 21. c. 26. v. 8. Alterum de Christo reticebat. Exempla taciturnitatis apud Zvinger. Vol. 12. l. 1. vide. Opposita ejus sunt partim excessus, garrulitas, s. loquacitas, quò omnia efferruntur, nihil reticetur. Quo vitio mulieres & proditores laborant, ubi exempla Zvingerus c. 1. v. 12. l. 2. habet: Et Heraclitus vulgus non differre à fratribus urceis dixit, quod nihil commissorum continere queat, sed diffuset nugando. V. Drexel. c. 49. Phaër: Proditorum exempla ap. D. Gerhardum T. 6. d. Magistr. §. 422. vide partim defectus, nimia taciturnitas, cum ne tum aliquid promittitur, cum necessitas & honestas jubet. Ejus exempla Zving. c. 1. l. 3. promittit. Hic proverbium obtinet: Amyclas silentium perdidit. De silentio

lento intempestivo & noxio. Cum hostis ad portas esset, quæ-
 & adventum propter interdictum nemo indicare auderet, ci-
 vitas ex improvviso capta est. V. Erasimum in adag:

23. Dissimulando, cum prudentia jubet prudenter
 dissimulare veritatem, & quarentem de eâ potius rejicere,
 quàm informare. Est n. veracitas officiosa & ingeniosa,
 ut non cuilibet statim expressè respondeat, sed & quandoq;
 rejiciat. Ita si incompetenter quis apud Papistas quærat, an
 sis hæreticus? prudenter dici potest, Quid hoc ad te? Quis te
 hujus inquisitorem constituit? Ibi quarende officium nullus
 fueris, fortiterus responsum. &c. Sed hic prudenter distingue
 I. inter dissimulare responsum, & mentiri. Dissimulare fe-
 ri potest rejiciendo quarentem; & non ad quæsitum respon-
 dendo. Hoc licitum est, & hic valet, quod Jesuita in ore ha-
 bent: Quis me omnium debitorem fecit? Præceptum n.
 affirmativum de dicendo vero non obligat ad semper; sed ut
 ratio circumstantiarum benè expensarum exigit. Sic furioso
 aut ebrioso rationem quæsitæ reddere non tenemur; Sed ut
 ineptum quarentem rejicere possumus. Sic Consiliarius non te-
 netur curioso respondere, quid in Senatu decretum sit. Men-
 tiri est, cum ad quæsitum responderetur, sed vel aliud sentitur,
 aliud dicitur: vel aliquod subintellectum reservatur, quod
 quarens intendere non potuit. Vt si dicas, non sum hæreticus:
 & subintelligas, scilicet ut tibi dicam. Non venio ex loco pe-
 stifero. scil. ut pestem ipse feram. Hoc illicitum est, & contra
 veracitatis officiositatem. Illa ingeniosa esse debet, & simul
 officiosa. Non teneris cuivis ineptè quærenti respondere:
 Interim, si velis respondere, verè vi veracitatis responde-
 re teneris, non fallò, non equivocè, aut cum reservato men-
 tali, aut ad mentem quærentis alienè. Non ut intendit, an ve-
 nias ex loco pestilenti infectus, sed, an absoluitè venias. Cum
 L l refer-

reservato ergò ad talem questionem respondere, non venio scilicet ut infectus, à mente quærentis alienè respondere, & directè falsum illius, quod mente condidit, dicere est, quod omninò illicitum. Celare & dissimulare licet: mentiri & equivocari nō licet. 2. Inter interrogantem illicitum, qui vel injustus, vel temerarius esse potest, vel subdolus, aut alio modo se habens; huic respondere non teneris, sed reprobare & rejicere potes: & competentem, qui vel Magistratus est & superior, jus quærendi habens: vel par aut inferior, cujus interest scire id, quod quarit. Tali & respondere teneris, & verè ac sine dolo respondere, non eludere. De totâ hac re uberiùs vide D. Meissner. p. 3. Ph. sob. f. 1. c. 7. q. 1. & 3. D. Thummium d. juram: p. 146. seq: D. Brochmand. L. C. d. lege. c. 9. q: 4. Amesium l. 5. d. Consc. c. 53. q: 3. Rivetum in Psal. 24. v. 4. Scharpium T. 1. L. C. d. leg. præc. 3. q. 5. Lansium Or. c. Hispan: aliosq. Ex ipsi Pontificiis equivocandi artem reprobant Sotus, Azorius, Covarruvias, alii, V. Ames. c. l. §. 26.

24. Hactenus definitio, objectum, & officium Veritatis: Sequitur divisio. Ita Veracitas vel verborum dici potest, & vocatur Candor: vel rerum & signorum realium, & dicitur fides. De his t. 20. 21. actum. Ex modo agendi alia nudè assertoria, alia juratoria dici potest, de quibus t. 20. Alia publica vel judicialis, cum in judicio verum servatur judicando vel testando: alia privata & vite, cum in vitâ privata verum & dicitur & agitur. De hoc t. 17. monitum.

25. Opposita Veracitatis sunt excessus & defectus. Excessus, cum nimis rigidè verum promendum urgeatur, nunquam silendum vel dissimulandum conceditur. Etiam cum recta ratio potiùs silere, quàm promere suadet. V. t. 22. 23. vel cum aliquid præter verum augetur, quod mendacium vo-

catur, & Ethicè potius mendacitas aut fallacitas dicendum est. Mendacium vel spectari potest materialiter, sic est vel apparentia speciei alicujus, cum res ipsa non sit, quomodo iridem non substantiam in nube, nec corpus, sed mendacium vocas Seneca l. I. na. qu. c. 6. vel omnis assertio falsa, etiamsi a. ignores esse falsum & pro vero habeas, a. sine animo falsum proferendi & dolo enuncias. Ut cum falsum representatur, vel alios id dixisse dicitur, ut tamen non intendas quinquam fallere. Hoc potius falsitas, quàm mendacium vocatur: Vel formaliter, sic ut assertio falsi cogniti sit sub intentione falsum proferendi profecta. Hæc propriè fallacitas & mendacitas vocatur. Vnde distinguunt inter mendacium dicere, quod prius est, & mentiri, quod posterius, & propriè vitium morale Veracitati adversum, & in Ethicis considerandum est. Alterum singularum disciplinarum, qua veritatem suarum notionum intendunt & proponunt, est proprium. Definiri potest mendacium Ethicum vitium morale, falsas significationes signorum moralium cum-intentione falsum asserendi proferens. Falsa significatio est difformitas signi prolati & animi concipientis. Signum morale hic vel vox, vel gestus a. actus externus est. Intentio falsum asserendi est velut formale in mendacio, per quod præcisè in esse morali mendacitatis constituitur, cum moraliter ab electione & voluntate talis inconvenientia ad fallendum destinatur, etiamsi materialiter res aliqua prolata vera sit. Sic si quis credat, abstinendum esse à cibis in V. T. prohibitis, & alteri hoc ex intentione falsum asserendi persuadeat, falsum morale committet, etiamsi pro se id verum habeat. Quidam intentionem fallendi pro formali mendacii habent. Et frequenter omnino falsum testimonium comitatur. Interim & ille moraliter mendax est, qui falsum dicit sub ratione falsi, i. e. ut falsum

asserere intendat, nisi alterum mendacio suo falli non posse certius sit, & sic intentionem fallendi illum probabiliter habere non possit. Ita qui ex ingenii vanitate falsa dicit, nisi non intendat fallere, moraliter mentitur.

26. Ex divisionib. mendacium aliud jocosum dici solet, ut in fabulis, & commentis Poëticis: aliud officiosum, quale obstetricum Aegyptiacarum, Exod. 1. & mulieris Baburima 2. Sam. 17. v. 20. aliud perniciosum, quod ex malitia & intentione falsa deiendi provenit. Quidam rejiciunt divisionē, alij retinent. V. Brochm. I. C. d. leg. c. 14. q. 1. f. 2. Pareum in c. 27. Gen. v. 27. q. 5. Observa. 1. non est divisio generis in species, q. mendacium jocosum & officiosum veri mendacij moralis sint species: nec totius in partes, q. vera mendacij partes sint; sed vocis in significata, quod vox mendacij ita late interdum sumatur, ut & jocosa dicta ac fabulas, & officiosas veri dissimulationes comprehendat. 2. Verum mendacium morale semper est illicitum, nunquam fieri potest licitum. Sed jocosum & officiosum, non sunt vera mendacia, sed alterum jocus & lusus est, alterum prudens veri dissimulatio, quae indifferens. Selet & in affirmativum dividi, quando falsò affirmatur aliquid, ut cum nobis a. alijs tribuantur ea, quae non insunt, aut majora, quàm insunt: & negativum, cum falsò negatur aliquid, quod adest. In simplex, cum simplex assertio fallitur, & duplicatum, cum insuper juramentum additur. Hoc perjurium ducitur. Huc pertinent omnes pejerantes, juramenta eludentes, ambigüe intelligentes, & similes. Ita Lyfander pueros talis, viros juramenti fallentes dicebat. Et Cleomenes dierum pactus inducias noctū hēssim, adhibebatur, dierum, non noctūam inducias se pactum esse causatus. Sed malè cessit factum. V. Lycosth. apo. d. juram. Ita Hattoni Episcopo Moguntino fides elusa malè cessit. V. Chri. Matth. c.

thi. c. l. dis. 2. *Plura perjuriorum exempla & poenas ap. Zvinger. vol. 14. l. 5. & vol. 16. l. 2. vide. Item in verbale, quod verbis exeritur, & reale, quod factis & gestibus. Huc pertinet illicita simulatio, cum simulatur exterius, cujus contrarium est interius: Hoc sæpè eodem peccato compensatur, ut apologus de leone Medicum simulante & ad equum devorandum veniente docet, ubi equus spinam in calce habere simulans, cum leo inspicere eam vellet, quantâ potuit, vi calcem leoni impexit, & semianimi relicto leone aufugit. Et dissimulatio, quæ est mendacium in defectu, cum minus, quàm res est, dicitur, a. minore gradu, modove, quàm adest, simulatur. Hoc vel respicit nos ipsos, cum in nobis ipsis dissimulamur, quæ habemus, ne alijs inservire cogamur: vel alios à nobis, cum in alijs id facimus. Hinc oritur detractio, obtrectatio, convitium, & calumnia, primogenita Diaboli filia, & calumniator primogenitus Diaboli filius. Diabolus n. primus inter DEum & homines calumniator. Ingens in fece mundi calumniantium farrago est, ubi furie alijs viam ad cælum moliuntur præire, cum interdum Orci emissarij sint, & ficus super ficum, pyrus super pyrum hodiè consenescat, ut de Athenis olim Aristoteles. Aelian. l. 3. Var. hist. Exempla ap. Zving. vol. II. l. 4. vide. Epanetus mendaces omnium scelerum & injuriarum auctores dicebat. Erasim. l. I. apop. p. 96. Hoc in primum mendacium & calumniam Diaboli in paradiso non absurdè dicitur. Quidam negant in factis & simulatione esse mendacium, & tantum in verbis agnoscunt, ut Pareus c. l. q. 4. Sed & in factis aliud simulari potest, aliud intendi. Est a. mendacium disconvenientia cordis & operis sub falsi intentione exercita, t. 25. Et in factis igitur mendacium agnoscendum.*

27. Fuit Veracitas: Sequitur Virius homiletica pacificam conversationem faciens, Concordia. Hæc sumitur vel

Ll. 3. propriè

proprie pro nomine proprio mulierum, quae Concordia dicitur: vel appellativè, pro effectu unionis inter diversos, sic aliquid fluens ex virtute diversorum est: Vel pro habitu consensum mentis, & animorum in bono ingenerante, sic hic sumitur. Dicitur & Concorditas ap. Patruum, consensus, pacificatio, unanimitas, tranquillitas. Graecis Φιλονομία, Germ. Einträchtigkeit / Einigkeit / Friedfertigkeit. Definuitur virtus homiletica, medium prudentiae in vitâ tranquillè cum altero in conversatione ducendâ servare faciens. Objectum ejus exterum est vitâ tranquillè ducenda. Vita nomine omnia in vitâ occurrentia agenda vel patienda comprehenduntur.

Officium est, mediū prudentiae in vitâ tranquillâ servare. Servabit Concordia medium prudentiae partim in suis, partim alienis. In suis, ut illa habeat certa, & composita, ne ad aliena delabatur, sic enim facile invidia, & post illam turba conciliantur: prudenter abscondita, ne nimium pateant: humiliter de se suisq. sentiat, offensas remittat, vindictam temperet, rixas non moveat, sed quantum potest, amoveat. In alienis, ne alios, cum quibus verlandum, deficiat, fugillet, detrectet, calumniatur, irrideat. Aliorum naves disimulet, omnia in melius explicet, plura ex aequo bonoq. tractet, injurias remittat, & multa publice paci condonet. Potentiores, stultos, naturas malitiosas & serviles non irritabit, nullos inter se committet, simulas non fovebit, commissos, quantum fieri potest, reconciliabit. Cum hominib. pacem colet, cum vitis bellum geret. Ita tutissimè cum alijs vivetur, & concordia servabitur. Necessaria est in humanis virtus pro fovendâ & promovendâ caritate, à quâ fluit: servandâ iustitiâ, cujus impedimenta removel: procurandâ felicitate publicâ & privatâ, quae facile unitis viribus curatur, solutis dissolvitur. Vid. pulcrè de ea Plutarchum l. d. fratern. amore.

28. Ex divisionibus pro ratione status concordia vel Ecclesiastica esse potest, quae inter personas Ecclesiasticas servatur, ut ministros Ecclesiae, Professores, Collegas: vel Politica, quae inter Politicos, ut Magistratus, Consultarios, officarios, subditos: vel Oeconomica, quae inter parentes, liberos, conjuges, heros, servos, &c. viget. Ita omnib. statibus necessaria ac utilissima est virtus Concordia. Exempla ejus ap. Zvingerum vol. 4. l. 1. vide. Oppositum ejus est vel excessus, indulgentia, nimia concordiae studium, quando ultra modum & decorum omnib. indulgetur, ut concordia servetur, & ne vitis quidem irascimur: vel defectus, discordia, contentiositas, rixositas, cum odijs, turbis, & simultatibus studetur, & omnia turbulentia complentur, ut factiosi, seditiosi, novatores, turbatores, & Martialis ingentia solent. Horum exempla ap. Zvinger. c. l. vol. 12. l. 3. Apophthema. p. 2. excerpt. p. 430. seq. vide. Hec etiam de virtutib. homileticis per theses disputata sunt.

tion
ere
and
re.
li-
tor
are,
oo
Ho-
r h
pe-
.

